

GASTEIZKO LEGEBILTZARRA. Giza Eskubideen batzordea bildu zen, eta ETaren biktimen batzordeaz aritu zen

ETaren biktimen batzorde berezia ez da eratuko

EAJk, EAK eta IUK erabaki dute parte ez hartzea osaketan, «bazertertzailea delako»

Felix Iriarte | GASTEIZ

Gasteizko Legebiltzarrean ez da eratuko ETaren biktimei buruzko batzorde berezirik. Legebiltzarrak, osoko bilkuran, erabaki zuen batzorde berezi hori abian jartzea, baina hala egitea ahalbidetu zutenek, hau da PPk, PSE-EEK eta UAK ez dute boto nahikorik batzorde berezia lantzeko.

Batzordeak eratzeko, izan ere, beharrezkoa da quoruma izatea, eta PSE-EEK, PPk eta UAK ez dute lortuko. Batzordeak hamazazpi kidez osatuak dira: EAJko bost, PPko lau, PSE-EEKo eta EHko hiru, EAKo bi eta talde mistoko bat. Guztira zortzi boto lortuko lituzkete, gutxiegi batzordea abian jartzeko.

Mahaiak gaur erabakiko du

BATZORDE BEREZIA

Beharrezkoa da quoruma izatea, eta PSE-EEK, PPk eta UAK ez dute lortuko

batzordea eratzeko tramitazioa. Legebiltzarrak osoko bilkuran erabaki zuen hamabost eguneko epean batzorde berezia abian jartzea. Hamabost egunak igaro dira, eta orain Mahaiari dagokio agindua betetzea. Litekeena da Mahaiak erabakitzea Legebiltzarrean agindua betetzea, eta batzorde berezia eratzeko deia egingo du. Juan Maria Atutxa Legebiltzarreko lehendakariak deituko die alderdiei, eta egun bat zehaztuko du batzordea eta dago-



JOSEBA OLALDE

Aurrean, PSE-EEKo Manuel Huertas, UAKo Enriqueta Benito eta PPko Carlos Urkijo; atzean, Iñigo Urkullu batzordeko lehendakaria.

kion Mahaiak eratzeko. Eratuko balitz, lehendakaria, lehendakariordeak eta idazkariak izendatu beharko lituzke.

«Parte ez hartzea da zuzenena»

Legebiltzarreko osoko bilkuran lortu ez zutena eskuan izango dute EAJk, EAK eta IUK. Izan ere, diote Legebiltzarrean biktime guztien egoera aztertu behar zuen lan taldea osatuta zegoela -atzo bertan amaitu zuen lana- eta PP, PSE-EE eta UAren eskaerak ez zuela zentzurik.

Gauza bera arrazoitu zuen atzo Iñigo Urkullu jeltzaleak berriro ezetz esateko batzorde bereziari. «Biktima guztien egoera aztertu duen lan taldea izan dugu; beraz, ez dut ikusten zergatik eratu behar den beste bat ETaren biktimei buruzkoa. Eratuko balitz, gainera, ez luke lagunduko biktimen adiskidetzeari lortzeko», adierazi zuen.

EAK eta IUK ere jakinarazi dute ez direla izango Giza Eskubideen batzordean beste batzordea eratzeko.

PONENTZIA

Lan taldearen txostena atzera bota dute PPk, PSE-EEK eta UAK


Legebiltzarreko Giza Eskubideen tramitea ez zuen gainditu indarkeriaren biktime guztien lan taldeak egin duen txostenak. Han ziren PP, PSE-EE eta UA guztiari ezetz esateko, eta batzordearen araudiarekin bat ez zetorren arren, bozketa egitea lortu zuten, eta ondoren txostena baliogabetu zuten.

Eztabaida bakarra prozedurari buruzkoa izan zen. PSE-EEK, PPk eta UAK nahi zuten bozkatu eta gero botoa adierazi; EAJk, EAK eta IUK, ordea, jakinarazi zuten txostenak ezin direla bozkatu, ebaizen proposamenak baik. Horregatik eskatu zuten taldeek txostenean oinarrituta ebaizenak egitea, eztabaidatzea eta gero bozkatzeari. Legebiltzarreko zerbitzu juridikoek ere gauza bera proposatu zuten, baina ez zuten lortu alderdi espainolisten jarrera aldaraztea.

Errekor historikoa Durangoko Azokan: 4.298 ale salduta

Harpidedunen artean banatuta dagoeneko.

LIBURUENDETAN
SALGAI



Eskaerak: Postaz: 5083 postakutxa. 48009 Bilbo Telefonoz: 94 661 14 15 E-mailez: ardidenda@ardibeltza.com

**ARDI
beltza**